

Na osnovu člana 69. stav 2. tačka d), člana 70. stav 1, 4. i 6. Zakona o javnim nabavkama („Sl. glasnik BiH“ broj: 39/14, 59/22 i 50/24), direktor Instituta za zdravlje i sigurnost hrane Zenica, donosi

**ODLUKU
o poništenju postupka javne nabavke**

Član 1.

Poništava se postupak javne nabavke usluga – Nabavka usluga servisiranja i rezervnih dijelova za laboratorijsku i medicinsku opremu i to: **LOT 2.- GRUPA OPREME 2** u skladu sa članom 69. stav 2. tačka d), odnosno iz razloga što nijedna od primljenih ponuda nije prihvatljiva.

Član 2.

Ova odluka objavit će se na web-stranici ugovornog organa (www.inz.ba), u skladu sa članom 70. stav 6. Zakona o javnim nabavkama.

Član 3.

Ova odluka stupa na snagu danom donošenja.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 02-1018/26 od 30.03.2026. godine. Postupak nabavke je proveden otvorenim postupkom za koji je objavljeno obavještenje o nabavci na Portalu javnih nabavki broj: 7126-1-2-68-3-81/26 dana 30.03.2026. godine. Postupak nabavke provela je Komisija za javne nabavke imenovana Rješenjem broj: 02-1019/26 od 30.03.2026. godine.

Do predviđenog vremena za dostavu ponuda zaprimljena je ponuda ponuđača APICAL d.o.o. Sarajevo. Nakon ocjene predmetne ponude, Komisija je ponudu ponuđača APICAL d.o.o. Sarajevo ocijenila neprihvatljivom, budući da dostavljeni dokazi o ispunjavanju kvalifikacionih uslova iz tačke 4.1. tenderske dokumentacije (uslovi vezani za tehničku i profesionalnu sposobnost ponuđača) nisu potpuni. Naime tenderskom dokumentacijom je propisano da je, pored izjave o angažiranom tehničkom osoblju, potrebno dostaviti certifikat kojim se dokazuje da je ponuđač ovlašten servisier ili izjavu o angažovanom tehničkom osoblju i tehničkim organima za pružanje predmetnih usluga servisiranja. Također je propisano da je, u slučaju kada angažovana osoba nije zaposlena kod ponuđača, obavezno dostaviti ugovor o saradnji, odnosno ugovor o angažovanju zaključen između ponuđača i servisiera. Uvidom u ponudu utvrđeno je da je ponuđač dostavio certifikat za opremu GBC sa imenom i prezimenom osobe, iz kojeg se ne može utvrditi da li je navedena osoba zaposlenik ponuđača niti da ima status ovlaštenog servisiera u ime ponuđača. Također, ponuđač nije dostavio ugovor o saradnji, odnosno ugovor o angažovanju sa navedenom osobom. S obzirom na navedeno, ponuđač nije dokazao ispunjavanje uslova iz tačke 4.1. tenderske dokumentacije, te se njegova ponuda ocijenjena kao neprihvatljiva.

Cijeneći odredbu člana 69. stav 2. tačka d) Zakona o javnim nabavkama Ugovorni organ je obavezan poništiti postupak javne nabavke u slučaju da nijedna od primljenih ponuda nije prihvatljiva. Kako je utvrđeno da nema dostavljenih prihvatljivih ponuda, odlučeno je kao u dispozitivu.

POUKA O PRAVNOM LIJEKU

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

Dostaviti:

1x APICAL d.o.o. Sarajevo

1x www.inz.ba

1x arhiva


DIREKTOR
Dr. sci. Muamer Mandra, DVM